



# Landjugiprogramm

## April - Juni 2025




### Cocktail Night: FR, 04.04.2025

Dr Klubrum het scho viu erläbt. Aber uf dä Fritigabä fröiter sech bsungers: Es isch nämlech Cocktail Night! Bisch o drbi, we mir paar gueti Drinks zämemixe? De darfsch di bis am 02.04. bir Andrea ahmäude. Starte tüe mir uf di 20:30.

### Utzigen Chilbi: FR & SA, 11. & 12.04.2025

D Ihsatzplän si dusse u ds Chiubiefieber isch im Ahflug! Mir fröie üs riiiiisig! We du zuesätzlech zu dire Schicht gärn würdsch häufe, bisch du ufem Chiubigländ jederzyt wiukomme. Scho itz es ganz grosses Merci für di Ihsatz! Utzigen Chilbi – du darfsch cho!



### Fajita-Schiff: DO, 17.04.2025

Ja, du hesch richtig gläse! Mir göh ga Schiffli fahre u främsle ufem Schiff ono grad Fajita. Für das Abenteuer traffe mir üs uf di 18:00 bim Klubrum u üses Schiff düüset de am 19:00 ufem Thunersee los. Bisch o drbi? De fröit sech d Andrea uf dini Ahmäudig bis am 05.04.

### Ostermäntiger: MO, 21.04.2025

Dr aujährlch Ostermäntiger vor LJ Oenzthal steit wieder vor dr Tür! Das isch geng ä super Tag, wome aus 4er-Team (2 Manne & 2 Froue) bi verschiedene Pöste cha ahträtte. Ahmäude darfsch di aus 4er-Team oder o alleini bir Andrea – bis spetistens am 10.04. Starte duets de am 09:30 ufem Waldhof ds Langenthal.



### Landjugi-Chuchi: ab DO, 24.04.2025



Wuhe, es git ä Landjugi-Chuchi! Si geit 4 Wuche lang u jedi Wuche chochet u serviert eis 2er-Team. Dr Räschte darf de aube gniesse u bewärte. Tönt no guet, oder? Faus du das o so geshch, muesch dir grad sofort di paar Termine id Agända ihschribe: **DO, 24.04 / DO, 01.05. / DO, 08.05. / DO, 15.05. (Finau)**. U nid vergässe: D Linda fröit sech scho itz uf dini Ahmäudig aus 2er-Team.

### BEA-Znacht: SA, 26.04.2025

O d BEA wei mir üs nid la entgah! Ca. uf di 20:00 göh mir üs ufem BEA-Gländ ga d Büüch vuschlah. Im Ahschluss chunnt de dr Usgang sicher o nid ds churz. Ahmäude darfsch di bis am 19.04. bir Nadine.

### BEA-Stand: SO, 27.04.2025

Dr Martinazzi-Farmerträff geit ar BEA ine witeri Rundi. Mir Worbletaler wärde ah däm Sunntig ahwäsend si. Häufendi Häng si härzlech wiukomme u du darfsch di bi Inträsse gärn bir Andrea mäude.

### Bouldere: SA, 03.05.2025

Bim Schwinge si mir geng chli am Bode nah. Itz wei mir ono chli id Höchi graage u göh a däm Samstig zäme ga bouldere. Dr Ort verratet dir dr Küsu no. Ahmäude darfsch di aber scho direkt bi ihm u de gseh mir üs uf di 19:00 bim Klubrum.



### Inline Night Bern: MO, 05.05.2025

Bärn hei mir oscho gseh. Aber Bärn uf Röueli isch öppis Nöis! Bisch o drbi, we mir a däm Mäntigabä dür Bärn suuse? Im Boll stige mir ih ds 19:04-Bähnlhi ih u dini Ahmäudig nimmt d Andrea bis am 20.04. entgäge.



### Spaghetti-Plousch: SA, 10.05.2025

Bi däm Menü louft eim doch eifach ds Wasser im Muu zämel! Drum muesch a däm Samstigabä unbedingt mitcho ah Spaghetti-Plousch vor LJ Heimiswil. Mir traffe üs uf di 19:00 bim Klubrum. Ahmäude gärn bis am 03.05. bir Jasmin.

### Chrüpfe Drücker Chiubi: FR, 16.05.2025

Wi mir wüsse, isch d Chrüpfe Drücker Chiubi vor LJ Seeland ä Party-Vouträffer! Bisch o drbi? D Linda sammet aui Ahmäudige bis am Fritigmittag u de gsehtme sech am 21:00 bim Klubrum.



### Tag der guten Tat: SA, 24.05.2025

A däm Samstig wei mir bim Coop Steffisburg ä gueti Tat ga mache. Es wird öppis für Gross u Chliin si. Wes di gluschtet, o cho mitzhäufe, de darfsch di sehr gärn bir Nadine mäude. Witeri Infos u di gnau gueti Tat vernimmsch no im Chat.

### Seeländischs Schwingfest: SO, 25.05.2025

Im Sagmäu si mir ja ersch grad gsi. Obs di angere Schwinger o so guet chöi wi mir? Das wärde mir am Seeländische ds Detligen bim Zueluege sicher usefinge. Dis Ticket darfsch bis am 13.04. bir Linda ergattere. När gseh mir üs a däm Sunntigmorgä uf di 06:40 bim Klubrum.




### Mini-Golf: SO, 01.06.2025

We du o wieder mau wosch cho plagiere, wi guet dir dis Bäueli fouget, de muesch a däm Sunntig unbedingt drbi si. Mir traffe üs am 13:00 bim Klubrum u stüre när Studen ah. Dini Ahmäudig darfsch am Küsu bis spetistens am 25.05. la zuecho.

### Bluet spände: DI, 03.06.2025

Mir göh wieder zäme ga Bluet spände. Es spiut gar ke Roue, ob du scho güebt bisch, oder obs für di Premiere wär. Wichtig isch, dass du di gsung füeusch, dass du mind. 18ni bisch u dass du mind. 50kg uf d Waag bringsch. Ds Bluetspände isch uf di 19:45 ds Zäziwil ahdänkt u dr Yannik sammet dini Ahmäudig bis am 25.05.



### Chilbi-Ussufete: SO, 08.06.2025

Nach üsere legendäre Utzige Chilbi hets meistens ono paar legendäri Räschte. Drum darfsch a däm Sunntig ab dä 11:30 zum Klubrum cho häufe usässe & ustrinke. Hie no ä chline Gheimtipp: Di nächsti Wuche startet mitem Pfingstmäntig, juhui! U dr Ändu isch a däm Ahlass üse Tätschmeiter – merci tuusig!



### Hornusse: FR, 13.06.2025

Mir wei wieder einisch üser Hornusser-Kenntnis ufpeppe. Für das traffe mir üs uf di 19:30 bim Hornusserhüsli vor HG Sinneringen-Vechigen. Ahmäude darfsch di bis am 08.06. bir Jasmin.

### Klättersteig: SO, 15.06.2025

Sportlech geits grad witer mitem Klättersteig ds Mürren. Träffpunkt isch am 08:00 bim Klubrum. Dr Bärni fröit sech ufene schöne Tag u vorauem uf dini Ahmäudig!



### Rodle: SO, 22.06.2025

A däm Sunntig göh mir di lengsti Summer-Rodubahn vor Schwiz ga unsicher mache. Ä schöni Ussicht hets ono drbi, di «Fräkigaudi»-Rodubahn isch nämlech grad bim Pilatus. We du o mitchunnsch, darfsch das ar Nadine bis am 11.06. düregäh. Traffe tüe mir üs uf di 09:00 bim Klubrum.

### Golf: SO, 29.06.2025

Itz heisst: Wissi Häntschi sattle u Poloshirt ahlege! Mir göh nämlech ga Gouf spiele. Dr Yannik tätschmeisteret dä Ahlass u entfühert üs ih Golfpark Moossee. Dini Ahmäudig darfsch bis am 15.06. o grad ihm zueschicke. Mir gseh üs uf di 15:00 bim Klubrum.



### Vorschou

- SAC Hütte: 26.-27.07.2025 → Bärni
- VEGA: 12.-14.09.2025
- Landjugi-Ferie Irland: 21.-26.09.2025 → Timu & Jänu
- Volleyballturnier: 16.11.2025